



安谷集  
坤

諸遺狀記

跋識

~ 16  
2383  
2



和  
2383  
2-2



安谷集卷之二 上



詩

成佛菴次贈李進士建櫂

霽後乾坤望裏浮  
一般花鳥挽人留  
去來半世擔簦客  
却向山僧面發羞

述懷示李進士伯舉尚翼

聽說雲南天柱傾  
龍亡中土虎縱橫  
崇蘭何處芳根著  
雲涕空懷蹈海情

米鷄贈申令泥翁君澤

田家幽興此時多  
即縛黃鷄擣早禾  
莫道東隣情味

詩

安谷集

薄嘗新忘却在長沙

獨樂亭次趙晉叔韻

高臺誰共落暉看秋滿江天鴈叫寒佳句覓來詩料  
足悄然不樂獨憑欄

謁孔巖徐孤青廟

先生樂道閉山扃存養工夫學考亭流水至今縈九  
曲武夷秋色滿祠堂

開泰寺有感

黃鉞何時駐此山千秋遺跡疎林間獨留古鬼傳來  
久百變興亡物自閑

訪公山陳遇卿

聞名始記舊容顏握手慙慙問一寒二十年間真夢  
寐最憐華髮各衝冠

過陝川戰場有感

義士三千同日亡至今行路恣悲傷青春芳草王孫  
怨咏入騷人吊國殤

詠大風

大風驚動萬方人正值蒼龍二月春疑是飛廉今赫  
怒廓清天地掃腥塵

贈雲住山李處士雲舉

詩

安谷集

二

清心只讀聖賢書  
早入雲林卧草廬  
我願青山分一半  
問君肯許卜幽居

更登獨樂亭有感

清流一帶繞秋山  
愁倚危欄髮欲斑  
獨樂主人乘鶴去  
滿江風月幾年閑

次甲泥翁九日韻

長沙又值重陽節  
暫醉龍山太白盃  
遙想故園寥落處  
黃花應傍藥欄開

謝閑從事周見委訪

如何蓮幕青雲士  
問及窮鄉白屋貧  
只爲當年同泮

舍南來先記布衣人

暮入華山馬上口占

蓬葦沉綿一病夫  
十年重踏炎中途  
雲林似喜遊人至  
始覺青山不負吾

徐君石漢柱復齋有三逕韻求和

孺子家聲鬼宇存  
文章德業見俱尊  
孤松撫處看脩竹  
且泛黃花酒一樽

聞漢船漂到耽羅丁未濟州大明人陳得曾勝等

吾儕偏有不平鳴  
揔為王入泊海城  
未知何處將驅去  
扼腕空傷志士情

詩

安谷集

三

次鄭上舍仁叟三三韻

洛城春日閨之三  
花雨花風方戰酣  
遊客傷時歸思切  
分明昨夜夢江南

送沈督郵之平壤

聲華端合在薇垣  
這事西行謝禁門  
莫道箕城千里遠  
名區遊賞亦君恩

別韓進士汝直還故山

君家何在在南原  
方丈山前芳樹園  
溪友長亭爭候處  
桃花亂落酒盈樽

聞起寢聲有感

時為太學掌議

半世窮經一腐儒  
白頭今作可憐吾  
如何更滯芹宮裏  
中夜愁聞典僕呼

寢郎

肅謝

是年五月封疏後

半世薤塩飽苦酸  
誰知此日立朝端  
鴻臚曉唱天門外  
抱笏參差逐末班

奉審

因山

佳氣葱籠十二崗  
龍蟠虎踞護先王  
園陵松柏叅天老  
曾受皇明雨露長

贈別蘓進士望如

斗山

長嘯窮途撫素琴  
白頭今日遇知音  
臨分更奏相思

詩

安谷集

四

曲直是平生一片心

送蘓進士

雲翮

還鄉

好雨霏霏急泮春親朋此日動征輪乃知客裏偏傷別白屋蓬門送故人

溫泉逢李亞使子三

登贈言

剩呼官酒不須賒醉到星河已半斜青眼重逢何日是佳期共惜臘梅花

送李雲章

人間聚散本無期欲說離懷那不悲歸日如逢吳聖瑞為言衰病異前時

贈南宮李兩秀才

新知還與舊知同數歲相隨泮舍中交契從來無老少請君須記白頭翁

過無限城有懷李節度

堯

長川一帶接平原野壘荒涼鎖暮雲誰道茲城無限好令人却憶李將軍

沙村敬次益谷李先生

承璧前韻

時李先生已

逢人幾問杏花村信馬行尋澗水源緬憶當年陪杖履傷心今夜對清樽

次朴後吉詠鵝歌韻

詩

安谷集

五

鵬程萬里爾何尋  
霜翮龍來苦見侵  
回首長鳴無限恨  
山陰遙憶主人心

秋夜聞杜鵑

霜信已傳鴈背風  
蜀禽何事哭林中  
應餘花月啼春淚  
又灑秋山錦葉紅

雨後咏荷花

水閣風清午睡多  
不知疎雨隔簾過  
試看庭前微濕處  
乍晴痕在半池荷

秋棲華山新庵

行盡清溪上翠微  
小庵依舊閉松扉  
居僧笑我頻來

徃白首還慙尚布衣

次金子公龜巖八景韻

層巒屹立伏龜東  
翠壁丹崖重複重  
中有小庵知不遠  
曉窓微月聽疎鍾

銀菴曉鍾

西郊草色望中平  
童子騎牛逐隊行  
橫笛微風清響徹  
前村正是暝烟生

綿郊牧笛

水色山容雨後新  
拓窓耽勝坐朝茵  
此間幽趣人知少  
長對孱顏崖葛巾

鵲城朝嵐

水回巖下水涵缸  
垂柳陰陰引好風  
殘日欲沉西嶺外  
遠林斜對半邊紅

龜巖夕照

清坐良宵藻思催况逢新月上山來成三欲效青蓮  
酌滿甕葡萄正醖醅

溪臺新月

水滿寒塘細雨斜魚兒時復躍清波夜來荷葉香風  
動萬顆桃珠一倍多

池塘夜雨

峽口春還蕨正肥菜中風味勝當歸呼童採採朝晡  
煮長使山人足療飢

西嶺採薇

水深南澗素鱗肥曳出磯頭貫柳歸草澤持竿聊晦  
迹子凌無乃畏人知

南澗釣魚

訪元和叔不遇因謝大觀來宿  
人間好會一何乖題鳳堪傷病客懷多謝慈明乘夜

至慇懃並枕宿寒齋

過鵲川有感

戰骨當時亂如麻千春芳草怨難賒坡潭客子何年  
到泣鬼詞章敵李華

迎勅日述懷示金子公

使者衣冠異昔時愁看朔氣拂靈旗莫誇十萬橫磨  
劍烈士傷心涕自垂

雪寒留村後吉家

雪滿孤村歲暮天終宵剪燈說佳篇凌晨欲向禪房  
去只怕山谿馬不前

詩

安谷集

七



聞崔生克昌病愈

如絲危病賴神扶不待秋風病已蕪好學音容頗入  
夢未知何日見衣摳

次金老西湖圖韻

荷花交影照湖深遊客何曾費越吟西子新粧佳麗  
景堪稱尤物古猶今

次李子建韻

烟帶鵲川迷遠郊春光已報小桃梢應知織女河邊  
在不必牛即苦渡橋

元宵望月

西日欲沉月欲升齊民觸目瑞光凝忽瞻佳處冰輪  
出野老爭言歲必登

看新曆有感

無復 崇禎頒八維陰陽易位此何時吾從草木甘  
同腐不必功名竹帛垂

與趙晉叔煮艾喜連山李太守携酒來

邂逅親朋碧澗濱呼童煮艾共賞新慙慙携酒來相  
餽風味還如有脚春

再娶日有感

此行如喜亦堪傷只為家貧卜孟光太學書生霜滿

鬢却羞今日作新郎

上巳夜呼韻

踏青佳節屬清明正是溪山宿雨晴  
問柳尋花仍入夜挑燈更說賞春情

守齋言志

青衿蹤跡太支離重到橋門少舊知  
獨守空齋綠老病排雲叫處未相隨

次泮村壁上韻

可憐幼艾倚新粧麟帶蟬衫映綠楊  
蕩子多情狂似蝶空教眉斧割柔腸

送崔同年洽往江陵

爾家何在嶺之東楓嶽山臨大海洪  
他年若向江陵去共泛仙舟鏡浦中

次柳御史從龍韻

生平養拙少風稜守約工夫欲學曾泮  
舍談經恒處獨行裝蕭灑似山僧

次清陰金先生籠鳥詩韻

三夏離家家信稀良宵見月最思歸  
身如病鶴心江海回首南天未奮飛

下鄉時偶吟

詩

安谷集

九

清曉招舟渡漢波此行良苦感懷多垂鞭信馬沙村  
路十里青山和睡過

次李樂全百完呼韻

携手留連五夜中共悲桐葉起秋風歌成玉樹飛清  
響月滿冰輪轉碧穹

次鄭愚卿韻述感懷

清霜昨夜染千林紅實初垂錦葉心壯士秋懷何處  
托悲來浪撫一張琴

月夜寫懷

碧落昭昭月轉明青山寂寂夜逾清寒虫四壁秋聲

裏捻為傷時夢不成

月課賦翬

金衣飄處五雲遮清韻流時御柳斜百轉新詞誰解  
撰草 綸臣對上林花

次張谿谷維韻

親朋握手最多情政值深秋雨乍晴說盡清詩參夜  
半中天好月透窓明

中原琴閣賦臘梅詩

武城堂裏一盆梅玉蕊凌寒正欲開花信先春者可  
愛摘來宜泛使君盃

壬寅元月過宿燕岐寄書主倅

琴軒咫尺未能尋薄暮催鞭入縣南  
終夜寒齋眠不得頻呼老隸秣羸驂

戲贈華清主人

聽說風流自昔時豪華恰似習家池  
如何歌舞今寥寂終使騷人不宥期

訪權完仲幽居

青山隱隱圍三面石瀨潺潺會一川  
中有何人耕樂土淵明投綬早歸田

別尹上舍民瞻

臨觴共說客中愁君向南州我獨留  
花落洋林春盡處離懷暗結洛橋頭

審理之夜得雨喜賦一絕

庚戌四月

好雨霏霏潛入宵東風習習不鳴條  
大開寬獄天應感萬口嵩呼頌聖朝

祈雨後得喜雨

天監至德佑吾東六責責來必感通  
千里滂沱民愠解九旒拱處咏南風

大王大妃殿端午帖

清冰磊落積金盤五月如秋  
玉殿寒有道曾孫璋

詩

安谷集

十一

弄處 慈顏春解卜深歡

送曹進士汝弼歸衿川

同舍交情托布衣橋門此日惜相違江鄉歸興知何似黃稻初香紫蟹肥

次贈李萬榮求酒

炎天苦憶飲瓊漿浮世誰憐白首郎若得流霞一盃酒相如此夕潤枯腸

與燕歧太守遊義尚庵

夜從太守遊僧舍邂逅親朋共醉眠清曉呼童開竹戶山中雪月浩無邊

題銅雀李公樓

樓下長江一帶迴渡頭行子幾歸來主人暫向城西去只有丫鬟進大盃

訪栢友因次其韻

逢着挑燈白首郎談鋒凜烈若秋霜終宵不寐論心事最愛斯人老更狂

閩關東曲懷鄭松江

鄭相風流擅昔年歌留樂府至今傳中宵靜聽關東曲仙界分明在眼前

訪李萬春次壁上韻

詩

安谷集

十二

九秋庭菊未全開半吐香心待我來為問君家有酒  
否不妨花下酌深盃

訪沙村許子厚

龜亭秣馬傍溪行峽裏秋先處處明紅樹黃花看不  
足沉吟忘却日西頭

夢遇柳督郵伯行

瑞五作

來徃督郵何所似前呵驛卒亦猶榮人間晚達皆由  
命從此吾思問一行

勝寺述懷

招提境淨黑城前此地攻文四十年白首腐儒今又

到却憐燈下閱陳篇

雪後與金子公李汝常會話佛菴

山腰小閣聳寒空滄海迷茫一望中對月良宵仍賞  
雪龍門何羨昔賢風

過黃君舉宅

辛勤遠自鵲川歸先到君家款竹扉語及詩篇猶未  
了童奴為報已斜暉

滯雨茅谷贈朴君晦

雲黑寒天凍雨霏征人欲發恐沾衣逢君終日論詩  
史忘却殘年苦憶歸

詩

安谷集

十三

贈趙晉叔

暮天寒雨解關人客裏幽懷喜共伸  
終夜論詩仍不寐村鷄搏翼報清晨

營門見却

鞭羸催渡錦江橋路入公山雪半消  
冷迹還逢閨者怒獨眠空館度寒宵

春遊獨樂亭

清江一帶繞蒼巖風送漁船落暮帆  
遊客訪花登眺處高高亭子間松杉

咏春雪

二月中旬飛玉沙滿山瓊樹是枯槎  
紫皇應恨韶華晚却使東君遍雪花

傷春

六十年來長苦辛每逢佳節是傷貧  
酒未盈樽花未煖只吟詩句送殘春

廣陵 成祖胎封有感

長峽崎嶇石逕通參天樹木綠陰濃  
恭惟聖祖安胎處山勢盤桓若怒龍

寄李甥

旅泊關河苦憶君相逢何日細論  
文明朝却向歡城

去回首連山是白雲

佛庵感興

萬樹濃陰繞小庵雙飛紫鸞入前簷  
黃梅微雨初晴夕最愛薰風起自南

口應柳瑞五呼韻

原野分明霽後瞻孤烟滄海辨洪纖  
青山落日僧樓上詩料堪誇四美兼

滌愁樓月夜與鞠悠遠車子遇醉呼

晴天寂歷見明星淡月初生照萬形  
滿酌燒春同醉倒不妨郵吏退公庭

送金子公出宰洪州

五馬行裝似葛洪鍊丹句漏領仙風  
泛波亭上清秋月倘憶歡城抱病翁

登玄希菴德升就陰亭述懷

巖下長川異昔時中先水色捲含悲  
林亭窸窣詩仙去惟有沙頭白鳥飛

送金子公遊楓嶽

楓岳長存夢想中羨君今逐永郎風  
好收萬二千峯景歸語歡城白頭翁

次申續李塾兩上舍韻

詩

安谷集

十五



曾聞二妙擅香名此日橋門倒屣迎綺語令人宵費  
燭客中贏得破愁城

次雲長韻贈朴老

誰識當年丞相兒最憐流落白如絲田園自有公侯  
樂洛社繁華不必思

酬鄭愚卿詩

正議堂堂出兩君行言處處一何紛吾儒所見元無  
異請質東湖貫道文

登彈琴臺

秋晚荒臺錦葉明登臨斗覺感懷生牛仙去後琴聲

絕祗有寒江日夜鳴

應 殿講入格

清晨承 召入彤庭 綸字丁寧問聖經能誦象辭  
因達義俄然新渥下青冥

題潛谷碑

兩湖征歛昔多歧均賦年來樂不支澤及生靈真宰  
相通衢可立永思碑

乙巳春祝

九重脩省欲消灾誠感上天天意同一度星移妖自  
滅黎民鼓腹樂春臺

詩

安谷集

十六

步洪吉甫呼韻

柳眼初均桃頰紅清溪西畔小園東此間春物真堪賞却恐韶華落晚風

新庵次贈黃君舉

百年湖外寄餘生十日山房話舊情冉冉殘春花月夜夢魂驚却子規聲

次李樂全三色桃韻

嫩葉初開南北枝矜黃誇白耀紅姿本是同根三異色芳華獨擅萬花時

見栢友金剛錄

名嶽長懷魏萬遊頭白風塵願未酬君今示我金剛作不覺衰容謾帶羞

廷試之日墨污紙頭歎

清晨聯袂入丹墀銳意思攀月桂枝儻六文成時未午却嫌清墨狀如規

溫泉應製日作

聖旨新頒一路中大招多士集行宮天門放榜知由命人力那能勝化工

溫泉試大雨皆曳白因吟一絕

親策行宮禮羅張青衿雲集一何多火龍却妬波

詩

安谷集

十七

濤筆終日如麻大雨沱

回 蠶時作

鑿輿旋軫過吾鄉野老欣瞻日月光一沐靈泉便去  
疾爭知 聖主壽如岡

沐後頽赦

溫泉春日闌 彤庭一沐能令 玉體寧長樂宮前

頒大赦賀深 王澤酌生靈

次李上舍善餘呼韻

泮宮秋夜雨初晴共向樽前樂細傾醉伴香燈歌枕  
處討論詩史倒深情

送趙松谷 復陽 還洛城

早致青雲光陸離 三朝最受九天知雖有烟波終  
老計不宜懷寶負明時

未蒙 殿講點

苦閱義經暑雨時下懷惟冀 上天知微臣不得升  
前席最恨年來賦命奇

贈趙上舍 持謙

清製令人刮病眸頭風轉覺片時瘳歸來夜結思鄉  
夢夢落江南燕喜樓

步李仲宣呼韻

詩

安谷集

十八

清晨月色白如鹽  
看盡遙岑劔樣尖  
秋晚平郊禾已熟  
爭知田父可腰鎌

次金三樂韻

黃菊開邊白露垂  
泮林踈處月參差  
屠龍欲展平生志  
獨卧空齋結夢遲

贈別朱進士翼之

天低關塞路迢迢  
落羽歸人渡洛橋  
何處停驂勞夢想  
寒宵茅店雨蕭蕭

送尹進士子舟

羨君才調獨超倫  
儷六香名闈  
紫宸莫歎孤舟橫

野渡定知他日濟生民

黃柑韻

珍果應知自洞庭  
何人新摘橘林青  
黃甲劈來香滿口  
一嘗還覺俗心醒

迎祥韻

春回金殿講遙高  
論道羣工耀錦袍  
萬口嵩呼華祝意  
千年長賀獻蟠桃

丁未春祝

胄筵初設九重天  
敬奉綸音奏錦篇  
袍奪龍門頭戴桂  
半酣霞醞步花輓

詩

安谷集

十九

科後述懷

鵬程萬里已摧翎長夜西庠又誦經白首辛勤渾漫  
事不如歸去釣江汀

雪中訪廬欽哉

殊年屢獨飽閑情步出橋門訪友生徐渡寒溪吟白  
雪絕勝剡溪夜深行

別崔上舍可獻歸鄉廬

君家何在在韓山白苧村臨大海灣月笛烟簑舊遊  
處扁舟應與釣竿同

溫泉舉動時祝辭

乘春鳳駕下金湯仰首羣氓羨我王一沐不須  
醫與藥上侯從此壽無疆

丹禮日賀辭

春王正月建春宮聖代臣民獻賀同天意亦知  
宗社慶雲晴雲散氣昭融

見政目

擢以才能舉以功銓衡人物一何公遺珠滄海君知  
否好爵曾無到野翁

述懷贈別金子公洪元九

春風長往趨歸雲象外塵間自此分尚戀終南回白

詩

安谷集

二十

首江湖烟月亦憂君

贈海運使李舜元

布帆朝發沔陽城  
威戢飛廉水路平  
行李清如江萬里  
賦詩應退鼓波鯨

雨後次李子全韻

桃李開時好雨霏  
通宵濕盡錦屏圍  
却嫌萬壑朝霞重  
不露春心一搦輝

次贈洪相禮南立

殘年客子久離居  
回首南天憶弊廬  
邂逅親朋山館裏  
通宵剪燭舊情攄

南漢城賦城字三

黃屋何年駐此城  
雲梯莫得犯金城  
不啻關防天設險  
衆心曾是自成城

五老詠

八十西來釣渭濱  
投竿一起濟生民  
當時不遇周文聖  
後世誰稱大老人

姜太公

監門半世任顛狂  
遇主何嫌兩鬢蒼  
可與良平謀得楚  
不煩緩頰說齊王

酈食其

三世郎潛世莫知  
暮年懷寶歎厖眉  
人間窮達皆由命  
利見飛龍會有時

顏駟

詩

安谷集

二十一

身當六藝已成灰獨究遺經詔後來九十年間存道  
意遭逢孝武盛時開

伏勝

英才卓冠八龍中其奈時逢正道窮莫恨多年荒野  
遜起身三月至三公

荀爽

五君咏

檻車千里到臨淄萬死刑章不敢辭解怨如微知我  
鮑一匡天下竟誰爲

管仲

十年卽署苦棲遲投紱將辭薄宦縻賴有知音能剪  
拂士師崇秩異前時

張釋之

臨邛冷迹阻蘭臺只撫凌雲不自媒當日若無楊意

薦病深消渴老奇才

司馬相如

布衣蹤跡客秦中仰看青雲路不通詞感至尊名始  
大吹噓幸賴主人翁

馬周

誰識青蓮是謫仙狂吟身世酒家眠惟有知章薦天  
子錦衣飄拂五雲邊

李白

自歎

老去稍知浮世情隨時厚薄在枯榮  
寢郎白首身  
多病門外何人問馬卿

文窮五詠

壯遊天下壯其文辨博雄詞屢典墳誤坐宮刑仍著

詩

安谷集

二十二

史平生恨結李將軍

司馬遷

東京文獻世家入良史波濤筆法新飲恨圓扉緣底  
事明時誤作寶門賓

班固

江漢詞源萬折東清雄硬語幾橫空文章反拙謀身  
計半世棲遑未送窮

韓愈

學古成書簡且奇當年誤被叔父知萬事投荒歸不  
得柳州惟見謫臣祠

柳宗元

天下奇才內翰臣眉山間氣獨超倫文辭自速招尤  
禍天末長為泣珖人

蘇軾

詩窮五詠

楚戶岷山猿泊身但將詩句幾驚人平生忠義爭秋  
色萬丈詞鋒耀萬春

杜甫

三絕誰蒙自御題廣文官冷獨舍悽莫嫌飢拾樽溪  
橡藝苑芳名李杜齊

鄭虔

窮唯在下以詩鳴籍湜諸公不敢爭莫恨酸寒漂陽  
尉謚稱貞耀亦芳名

孟郊

身世曾追馬少游奇才還作海南流萬里羈魂招不  
得誰收詩骨瘴江頭

秦觀

風塵天地避胡兵蓬轉長懷杜子情荏苒光陰詩卷  
裏暮年江海寄餘生

陳禾

詩

安谷集

二十三



自悼

傷心觸處被人嗤，斗覺澆風異昔時。  
末路獨全真率態，是非惟有彼蒼知。

自註曰：余年六十有三，始得齋郎，仍述感懷以五  
老五君文窮詩窮寓自况之意。

感興

莫道身縻搢紳班，半年來往水村間。  
自識生涯最蕭瑟，敢云詩賦動江關。

偶吟

閨梨薄暮拾枯查，信步歸由石逕斜。  
夜煮香茶晨供

佛曇花影裏，拂袈裟。

庚夜用年字三

庚宵歡會幾多年，屈指如今六十年。  
衰翁冷迹嗟無友，謾擲風流讓少年。

戊申春祝

道東今日俗回淳，鼓卧三邊不起塵。  
數闕陽春民與樂，滿城花柳太平辰。

中殿迎祥詩

誰送東風入九霄，韶光將護萬年條。  
祥雲瑞霧交凝處，喜見彤庭鶴駕朝。

詩

安谷集

二十四

訪李友

英

好雨初晴花又紅  
二郎乘興訪園翁  
主人情味晚誰  
似北海樽中酒不空

戲次李子大爭博韻

賭博何須爭是非  
讀書端合閉荆扉  
專心小數如何  
益賤技成功萬古稀

天中節書懷

蘭湯暫浴 寢園前  
白首羈懷倍黯然  
忽憶南鄉年  
少事百花叢裏競秋千

謝柳李諸友來訪

大麥初收晚浦邊  
漁舟穩泛夕陽天  
此時光景真堪  
賞莫著歸鞭五夜前

仙菴述懷

春曉門前午著鞭  
揚州山下夕尋禪  
琳宮物色渾非  
舊唯有長江似去年

朝野僧

辛勤造笠費工夫  
買麥應思爾口糊  
冒雨村婆來請  
市如何含笑詐稱無

贈洪陽太守

赤心思濟邑民飢  
清河芳草細如絲  
鵬海前程圖萬

詩

安谷集

二十五

里不知情理並行斯

次贈李

國光

強鞭羸馬啓冰程一僕從吾指洛城  
識面樵童猶不拜寢郎還似布衣行

訪柳益甫

尋花問柳到山亭候我聞人出拜庭  
為報東風前夜雨南郊大麥一時青

登禿音亭

春江斜日獨憑危政是韶光欲暮時  
借問主人何處去海南歸卧髮如絲

咏蛛網

巧成密網敲踈籬來往飛虫幾見雁  
寄語風塵名利子人間著處有蛛絲

醉日有感

八月九日伯氏花菴公卒後

去年此日在南鄉兄弟相傾白酒觴  
客裏秋風今獨酌偏傷一歲具存亡

還家

九月

紅桃佳節別幽居黃菊芳辰返弊廬  
晚稻初香山果熟箇中秋興問何如

省墓後宿子長家

詩

安谷集

二十六

遊子歸來敬拜瑩，謾懷霜露慕親誠。仍尋知己連襟  
宿吐盡風塵久別情。

至溫陽訪趙禮山

恭承嚴譴出脩門，來卧田園亦聖恩。太守宜乘  
邑中駟，秋曹論罰一何寬。

又指洛十月

前月南歸又北征，自憐身世一浮萍。今來不但園  
陵守，直欲登天折桂英。

到齋會飲

誰將秋露滿金壺，斗覺今宵興不孤。若使龍眠如此

會飲中應寫八仙圖

贈別朴進士義叔

分携魯泮已經年，離合人間覺有緣。樽酒相逢山館  
裏，臨觴話別轉悽然。

待榜

吾從學語業文章，戰藝今垂五十霜。才出荆園棲丈  
室，榜中思見顯陵郎。

贈別沈許忘年友

二妙偏憐皓首吾，却慙燕石映冰壺。他時倘跨南州  
駟，肯訪歡城野老無。

詩

安谷集

二十七

悼伯氏花菴公忌辰

己酉正月三十日

遊子沉吟苦憶家莫要村酒夜能賒  
今晨况是兄亡日寸祿令人起怨嗟

落羽日迷懷

辛勤春夏誦經書一躍龍門慕巨魚  
平日自誇通理子豈知秋露乃迷余

逢揚州牧語科榜

暫駐征驂東野中揚州刺史白頭翁  
相逢語及天庭試却羨神童駕七龍

咏懷

通宵不寐念平生六十年來底事成  
三歲獨留仙寢裏只吟身上愧簪纓

戲贈鄭通判

誰憐白首病相如通判風流太似疎  
茲館寒宵眠不得南來素計恐歸虛

贈別朴義叔

仙寢誰謀斗酒沽雪中難慰冷侵膚  
春來若向扶藪去醉卧江山第一區

謝李汝徵送酒

歲暮羈懷不自裁園翁爲致滌愁盃  
箇中情味知誰

詩

安谷集

二十八

似却勝江州送酒來

歲逢庚戌

吾聞庚戌聖人生戌歲今逢又在庚越水尼山清淑  
氣定移東國亦鍾精

立春日有感

客中三度遇 王春我是前人歲則新白首窮經泮  
宮士傷心老作守 陵臣

春祝

園陵佳氣鬱葱葱錫福 神孫德化隆紫禁烟花繞  
寶座王其無疾詠南風

次柳叔和琴譜詩韻

請君膝上五絃琴彈我陽春白雪吟山水遊心吾亦  
揣休言末路少知音

送柳益甫赴再娶

衰翁持幣指何鄉花燭應知照洞房我亦年前經此  
禮白頭還愧作新郎

封疏日書懷

庚戌再疏陳八弊

傷心天旱病三農瀝血書辭奏 九重只為生靈思  
去疾任他流俗笑吳儂

得拜疏

批惶感言志

詩

安谷集

二十九

萬言封事慕坡翁語拙慙無直士風  
仙寢祇承  
溫批到感深天日照丹衷

題李汝徵壁上韻

雨後江山景物新却乘清興訪主人  
羨君高卧松窓下愧我奔忙紫陌塵

題壬辰同泮錄

十九年前同泮人一堂聯袂夢驚秋  
世間榮悴何須說只為詩魂最愴神

齋居感懷

白首窮經惜寸陰  
寢郎今日愧儒林秋來只得還

鄉夢前夜分明見伯禽

次洪參奉施仲韻

小草羈蹤愧後凋傷心歲月客中消  
如何恐失微官俸折我清溪釣叟腰

暮春言志示洪施仲

春深碧澗雜花斑坐說芳華好是閑  
豈向風塵干薄祿莫如投綬卧江山

夢得一絕只記下句故續成上句

腥塵天下日黃昏海外幽蘭不著根  
弱草曾沾雨露誓心終作守芳魂

詩

安谷集

三十

次洪教官 頌普韻

東郊水滑馬行遲 仙寢歸來日已欹  
飽喫山盤春菜美 從知薄宦不須辭

留別比舍郎李伯楷李夢仲諸賢 辛亥移廣興倉時  
數年 仙寢幾相尋 握手論文摠許心  
此日臨歧無限恨 歲飢那得濁醪斟

秋夜述懷

落葉隨風亂下庭 秋聲帶雨掩山扃  
挑燈此夜無眠坐 未逐雲龍善變形

咏懷

雲鳳飛來伴野鷄 自多名位一塔題  
如蒙剪拂懷金印 機上應知下老妻

易水送荆軻圖

祖帳高開易水濶 白虹貫日劔樽深  
何人認得蒯蓋計 幻出荆卿一片心

三顧草廬圖

隆中誰畫卧龍居 帝胄躬躬尋處士  
廬三顧咨詢天下事 欲恢劉氏兩京墟

述懷贈金子公

事業俱慙為世師 年齡只是迫期頤  
如何二老山中

詩

安谷集

三十一



別正值韶光欲暮時

赴任廣興倉述懷二首

秋雨蕭蕭濕晚洲  
白頭委吏倚江樓  
如何却廢經書  
誦謾把床前會計籌

其二

萬事人間自有時  
大才成晚莫嫌遲  
君看清渭釣璜  
老八十起為王者師

悔鑷白髮

霜髮曾嫌兩鬢生  
謾勞童僕鑷千莖  
吾衰拔白違其  
理不待秋風悔已萌

還鄉後移入新舍

新構小窩舊舍南  
南山爽氣入前簷  
從今樂得容身  
地昔疾霞寒寢食甘

安谷八景

螺鬟雲外碧  
岵峴物色成嵐玉  
洞朝最愛山南添爽  
氣何人柱笏思迢迢

華嶽朝嵐

半世耕雲峽裏人  
幽居恰似若耶濱  
夕風吹送城頭  
角琴閣知閒有脚春

春城暮角

水落前溪可釣魚  
青山微雨乍晴餘  
中宵明滅濠梁  
火贏得深潛丙穴魚

紫溪漁火

詩

安谷集

三十二

力穡工夫趁夏多四郊齊唱樂鋤禾莫言啜斲聲非  
正可和康衢擊壤歌

綠野農歌

粧塢踈篁問幾叢長舍晚翠秀園東千秋卓犖凌霜  
節孤竹清真二子風

竹塢清風

寒梅宜月月宜梅共泛清香處士盃桂魄

婆娑

梅窓好月

村童出牧碧溪澗烟霧初晴草色深斜日忽橫牛背  
笛隨風飛響落長林

長林牧笛

身邊乍拂褐衣寬岸上閒垂一竹竿不是助周且扶  
漢溪翁取適寓真觀

斷岸釣竿

生朝寫懷 八月初九日

曾逢此日在揚州皓首今搔魯泮秋自笑生涯蓬轉  
久三年苦負故園遊

待榜日贈李伯楷韻

董生三策說經邦微甲應知躍大江行待洛中傳吉  
語却嫌寒日照西窓

雪夜赴直

黃昏謹出上東門雪擁長程馬不奔歷盡平郊尋炎  
裏喜看松火照山村

下鄉後洞宴日有感

詩

安谷集

三十三

未參社會六經秋此日登筵別有愁  
旅泊京華吟病客最憐居右雪盈頭

戲呈杏村金丈

翼宗

鳩筇幾曳倚松扉鶴髮閑梳拂錦衣  
東海素田雖百變不埋南極老星輝

自憐病病

如何未得咽殘糜火氣盈腸不可爲  
憔悴餘生嘔泄卧長嗟在世幾多時

辛亥除夕有感

盜無粒米又無薪凍餒如何百結貧  
最恨三年消渴

老明朝六十八逢春

壬子春祝

春來忽復舊時容去疾能收服藥功  
天假數年娛老境養閒身卧睡鄉中

冷節日有感

寒食常懷迨遠誠幾携清酌奠先塋  
何辜一病纏身久翹首松楸淚滿纓

軍資正公忌辰叙哀

三月十五日

梨花方發故園春何事佳辰最愴神  
垂死病中逢謹日未能與祭淚盈巾

詩

安谷集

三十四

愁城吟

誰尊愁城胸海中韓彭束手未能攻若論摧陷先登  
勇歡伯將軍第一功

病中虛念

病中私慾苦相干飽喫珍羞亦免寒乘鶴揚州那可  
得浪心無異夢邯鄲

求禱神祇

三年消渴馬卿身伏枕將為即世入試向神祇吾有  
禱病隨時郎共回春

絕筆

長卿消渴一何悠伏枕吟詩十八秋才盡江郎編亦  
盡獲麟餘筆却令投

輓權進士士瞻

九重應徹九臯音爭道鵬程妙歲尋可惜文章憎命  
達天生天奪亦何心

自註曰權士瞻大歸江都諸朋會餞銀石寺余與  
黃君舉贈詩士瞻行未啓程忽焉即世仍次別章  
為輓哭之痛哉

追哀李子建申泥翁

建友今為松下塵泥翁亦作丸泉人山光水色渾依

詩

安谷集

三十五

舊獨倚僧樓倍愴神

自註曰十年之前甲令君澤謫居此地戊戌夏余與子建君澤約會佛庵一旬唱酬盡歡而罷丁未首夏余到此庵則二人皆已即世矣不勝感懷

悲秋香

華筵歌舞擅風流幾把茶筭辦勝遊軟語嬌容今寂寞暮雲空鎖薛濤樓

輓黃上舍

德涵

名題鴈塔早能詩六十年來只倒危身後千秋無限恨生前先哭大宗兒

哀梁子由

素鄉竹馬昔同遊久別相思二十秋隣有阿咸來告訃長嗟知己隔明幽

路聞金天柱訃

忘年友是故人兒相愛深情兩不衰此日歸程聞即世如悲親戚涕交頤

挽朴振叔大人

緬昔青山山下宅耕雲釣月足生涯千年脩夜難消恨不見長男折桂時

吊黃德叟

詩

安谷集

三十六

同學故人黃德叟白頭寒餓坐詩窮秋天落日青山  
下只尊蓬科四尺崇

挽李叅奉

妙歲摳衣益谷門陳元敬受伯魚言聞一得三今寂  
寞不堪題挽涕雙捫

吊卞蒼伯

同船漢水十年前雲樹離懷幾黯然逸士清標今寂  
寞哀臨素幔涕雙連

吊金子精

子之捐世一何遽鄉黨皆悲失善入流水柴門依舊

處獨憑虛閣最傷神

挽尚叅奉仲望

相公清白是箕裘獨保家聲六十秋何處牛眠開永  
宅扶蘓山下錦江頭

挽友壻

相知自我委禽時眷愛深情不少衰四十年來歡會  
處何堪和淚寫哀詞

吊金汝煥

十載重尋亡友居松林蕭瑟翠屏虛斜陽隣笛悲聲  
處唯與元方淚滿裾

詩

安谷集

三十七

次元金山 蓋追悼李子建小祥韻

草堂無主已周暮但見遺編斗覺悲我亦三年消渴  
老那堪迸淚蜀州詩

朴父堂仲父之喪與金子公相慰

嗟君白首失知音寂寞樽前吐兩心一片丹旌靈几  
下潛然夜撫季鷹琴

自挽

多年穠食滯秦京贏得幽閨薄行名三尺孤兒何處  
控長成幹盡恃其兄

安谷集卷之二 上終

安谷集卷之二 下

詩

漢陽即我 東億萬年無疆之基也賦八景以  
頌之其一曰畿內山川

佳麗名區宇內稀大川喬嶽繞王畿山高北郭連天  
直水割南郊指海歸孕出人豪才不借多興貨物國  
仍肥蔥蔥紫氣無時歇萬歲千秋永有輝

其二都城宮苑

恭惟 聖祖創鴻圖白岳山南設大都千仞金湯仍  
地勢五雲宮闕通天衢前塔奠葉呈休瑞上苑松林

詩

蔭御途最賀明良相遇處一堂魚水講唐虞

其三鐘街觀燈

清和八日素稱佳一夜觀燈士女皆浴佛何須同魏  
俗乘橋亦識近齊諧家家銀燭懸三市點點金缸照  
九街蠟淚將乾鍾報曉不知誰是玉盃懷

其四箭郊牧馬

乘黃不必繫如匏放牧吾知春夏交能使毛羣皆得  
地還同羽族各安巢天閑可省蒼頭養沙苑端宜綠  
草咬駉牝三千當禦侮莫憂戎馬更生郊

其五西江漕舶

長江一帶水滔滔幾泊西南運米艘青雀小船先劈  
箭黃龍大舶亦凌濤浮潛入渭同梁賦夾碣通河似  
冀漕滄海已全歸禹貢乃知月祿給官曹

其六東門教場

城東閱武有平原五校晨驅出國門八陣圖從諸葛  
法十年教效越王言雄心已試龍泉拔壯氣猶思虎  
穴吞習戰閱時恒若此乃知戎略整乾坤

其七濟川翫月

高高亭子壓大川澄波如練釣磯前騷人有意憑危  
檻明月無心出遠天清賞曲江思白叟浮遊采石憶

詩

安谷集

二



青蓮停盃問處饒詩料水色山光共皎然

其八盤松送客

城西遠客幾相從臨別羈懷有萬重遊子悲深離怙  
恃征人結怨戍邊封將軍受鉞辭丹鳳使价啣書向  
白龍春日章臺折楊柳何如持贈歲寒松

詠四君以寓懷

青齊五月始呱聞餘子遂承靖郭君七十諸城收貢  
賦三千遊客飽朝曛能偷秦府狐毛服更唱函關英  
羽羣狗盜鷄鳴升上士吾知涑水唾田文

右咏孟嘗君

濁世翩翩德業尊好賢如渴赤心存滿堂諸客何彈  
缺脫穎竒才亦處門能使楚王從上計便防金虎噬  
中原風流只向蛾眉薄泉下應啼笑楚魂

右詠平原君

王子求賢幾服膺夷門曾結死生朋竊符將縛函關  
席杖鉞終揚牧野鷹鄰壁寧椎元帥鄙邯鄲不負趙  
公勝大梁千古留芳躅漢祖惟知祭信陵

右詠信陵君

曾侍前星幾滯菴咸陽恐作布衣人懸河雄辯懷強  
敵戀國行裝返壽春紫閣恒留珠履客黃扉獨立玉

詩

安谷集

三

衡臣那知李氏招奇禍豎子謀成劔及身

右詠春申君

成佛菴次李子建韻呈甲泥翁

雲濕層臺雨灑櫳蒲團清坐思無窮嬌鸞啼繞簷前  
樹乳鸞飛隨霽後風遠出高低落霞外漁村多少夕  
陽中奇遊共辦招提境大醉何妨睡梵宮

其二

閒尋淨界謝紛紜閱盡遺編不覺曛風撼萬林仍送  
雨露蒸千壑轉成雲馳眸桂海潮波湧清耳琳宮磬  
響聞自幸湖山漫浪迹登臨此日擺埃氛

書齋偶吟

蝸廬掃檜任蕭然主一工夫務靜專不向青雲求外  
物只披黃卷對前賢者經著意窮經義樂道虛心味  
道玄自得吾儒真樂地不妨容膝處皆穿

雨後過蒼巖

鷄山霽色接青空錦水澄波起晚風萬丈蒼巖臨道  
畔千林紅葉照江中攀巢赤壁東坡老按轡太行長  
樂翁著處秋光爭入眼欲成詩句句難工

次李即韻送沈督郵赴大同

箕城勝槩冠西州烟雨水村多少樓越女衣裳金市

詩

安谷集

四

照秦京冠蓋木道由茫茫大野千秋闢滾滾長江萬  
古流此去莫嫌馳駟苦登臨可辦子長遊

贈別蘓進士望如

斗山

晋山大姓湖南士特立塵寰第一人屬國英豪真寡  
侶孺文風彩更超倫清雄儼語追坡老雅麗瓊章學  
瀕濱行看他時金印佩終教妻嫂敬心新

次亞使李子三

登韻

寂寞誰尋楊子居自憐多病故人疎閉門落葉三秋  
後採藥寒山十月初緬想當年同泮舍忽驚今日問  
窮閭西行海嶠逢歸使倘寄相思一字書

其二

抱病歸來久索居到今便覺世情疎青陽妄擬名垂  
後白首還思性遂初採菊將追陶五柳佩蘭知效屈  
三閭藥囊隨處全微命孤負平生好讀書

次李叅判贈申泥翁移配歡城韻

黃昏早結羨人期白首今悲放赦遲楚累行吟湘水  
日長公移到汝州時思親恐負三春澤戀主還添兩  
鬢絲雷起卧龍應不遠丹心只恃彼蒼知

其二

天畔相思夢裏期故人消息未全遲神交塞嶺雲寒

詩

安谷集

五

夜魂返江關月黑時已被風霜凋白髮尚依山水理  
朱絲家園寂寞成榛莽鞍馬唯應舊逕知

又次申令韻

犯霜遙過塞嶺寒暮年湖外始離鞍蕭條僦屋臨溪  
窄落寞羈懷賴酒寬北去誰憐千里謫南來幸得一  
枝安生還故國知何似欲報洪私鏤肺肝

次李

台瑞

看曆韻

畫前日月元無記四節初分造曆時萸葉生庭知瑞  
應素榆代序覺陽衰尊周幾感願書至愛禮長懷  
告廟爲天象昏迷方屬否傷心不復見雍熙

萬戶擣衣聲

候鴈初從紫塞歸長安萬戶月依依秋風欲寄征人  
服匹練催成織女機亂杵聲隨更鼓促調砧響逐曉  
霜飛金刀剪破香燈下和淚交縫戰士衣

勒銘燕山石

將軍受鉞下青冥大漢兵威振北庭詔後仍鑿良史  
筆瞻前絕勝會稽銘德兼二帝垂千代功並三王耀  
萬齡堪笑貪夫竇元帥不知勲業賴君靈

開泰寺會話聽琵琶

薄暮尋尋象外蹤石川蘿逕幾重重鳥從亂樹烟中

詩

安谷集

六

散僧向疎林月下逢  
半夜玉簫終數曲  
一痕瑤海聳雙峯  
禪房逸響添幽興  
絕勝頻聞長樂鍾

次李汝常韻

琵琶苦調一何闌  
流水高山無定端  
指下清音鳴玉磬  
絃中哀韻瀉珠盤  
騷人靜聽催詩句  
遊客愁聞倚曲欄  
正似潯陽白司馬  
青衫濕盡江雲寒

次泥翁臘日戀親韻

一從 恩譴謝萱闈  
悵悵王孫久未歸  
烏鳥夜闌啼反哺  
鶴鴒沙晚泣相違  
離騷莫說靈均怨  
到老方知伯玉非  
回首長安何處是  
祥雲 北闕映朝暉

次朴後吉咏鵝韻

郊入新涼月望時  
西方惹起羨人思  
蓬頭丈髮驚千丈  
左肘垂楊問幾垂  
野渡孤舟橫斷岸  
山家菘子繫寒籬  
幽懷此日那拋得  
只付奚囊數句詩

次鄭東溟送人隱太白山韻  
迷感懷

半生蹤跡住湖邊  
塵世榮枯一任天  
釣月自知爲吉士  
凌雲何必爲真仙  
常思葛亮吟梁甫  
不學楊雄草太玄  
問柳尋花臨淨界  
喜看山色隔疎烟

掌夏頌冰

凌人供給日相乘  
聖渥均頒玉井冰  
交錯金盤看

凜烈碎成瓊屑却炎蒸千家剩得微陽納萬口爭舍  
爽氣凝多病馬卿便解渴不須仙掌露華承

次李昌平韻

熊轡三載駐歡城去後民皆頌政清幾掃公齋延魯  
鈍自多當日識韓荆遙知彭澤陶元亮倘憶窮途阮  
步兵回首關東山水界願從太守洗塵纓

次金子公韻仍慰落羽之懷

雲雨入情逐勢移今來始信墨悲絲高才縱合舍鷄  
舌冷迹何緣到鳳池壯志長憑三尺劔羈懷捻付七  
言詩世間窮達皆由命莫恨瞻宮折桂遲

次李大諫 殷相

十年留泮未成名只對寒燈半夜明寧怨此生時不  
遇長嗟浮世路難行每希鯤化莊生志盡弊貂裘季  
子情莫道孤禽長在阜驚人必有大鳴聲

次李羣玉九子坡聞鷓鴣韻

清江水碧白沙明錦翼啼隨野艇行青草湖邊傳晚  
響黃陵廟裏送哀聲遊人恨結三春色遷客悲深萬  
里程九子坡前欹枕處亦添中夜旅愁生

次趙玄谷達川韻

立馬沙場欲白頭荒臺物色捻深愁哀纏芳草年年

詩

安谷集

八

綠瑟入滄波，咽咽流秋夜。悲啼知毅魄，春閨夢泣異。  
莊周山河險，阻渾無賴。堪笑元戎背水謀。

勝寺臘月夜與子公呼韻

登臨何必仲宣樓，一會山房可滌愁。麗什遙凌唐月  
露，清談不與晉風流。若編桂籍成初志，欲向槐灘拂  
釣鉤。二老他年相訪處，定知携手醉江頭。

大王妃殿端午帖

疏袍高拱九重宮，入謂唐堯出女中。萬世宗祫流  
美慶，三朝國母最仁風。業傳姒妣徽音遠，治輔成  
康大化隆。序屬端陽爭賀語，太平和氣動昭融。

次李萬榮韻

被褐當時不自聊，觀經壁沼幾環橋。科名縱幸干  
明主，勲業還慙立聖朝。世路艱危如涉險，要津勇  
退若乘潮。百年棲息知何處，終老江山許子樵。

次李子全韻

五巖居士操南音，雪抱都憑叔夜琴。荆玉任他魚目  
笑，澗松那免散材侵。愛君孤直忘年久，憐我淳真抱  
契深。男子剛腸宜似鐵，楚天雲雨莫傷心。  
惟有東風不世情。

風從暘谷動，旬萌萬物當。春乃發生不擇薰，蘊皆已

茁休論椒檄亦能禁城中麗景家家好野外昭光處  
處明公道世間猶造化長嗟流俗摠私情

李興完持包字論求和仍寫懷以示之

短翼何由橫大包長嗟身世掛籬匏看山最愛天中  
插聽磬遙知月下敲慘日要津舟易覆傷心平地浪  
飛泡不如皎皎超霞外白賁宜占上九爻

又次興完南字韻

偏側相居巷北南有隣遂喜德無慚並稱風月江山  
主豈羨公侯伯子男酒亞金杯雙舉百家箴玉軸萬  
成三共思身後貽謀計修禊名亭是石楠

次李子建病裏述懷韻

脩短在天君莫哀古來人世白駒催酸辛伏枕身何  
悴知己摻裾眼忽開幽谷若能回暖律炎烟想必起  
寒灰春風宿蟭還蘓日溪上柴門可復推

次趙晉叔贈卞興德韻

從古升沉本在天其於一點莫悽然多歧世路何須  
涉無主江山可獨專李白誤身飛燕句蘓仙矢志蟄  
龍篇人生識字媒奇禍閣筆端宜只醉眠

次僕龍卿攀韻

君返南山掃弊廬窓前應對一床書川連湖海環平



野地似江淮繞孟諸入世并沉雲散聚天行消息月  
盈虛莫嫌草澤閑垂釣大老猶甘渭水漁

次李懷仁韻贈鞠督郵悠遠

十載論經滯漢師豈知榮悴異今時三年我病相如  
渴一斗君能太白詩丹桂何須誇折早紅蓮不必怨  
開邊郵亭暑薄清秋近皓首同添宋玉悲

秋風老將心

百戰沙場幾袵金逢秋霜髮已蕭森文淵尚有南征  
志葛亮長懷北定心胸裏竒謀思豹變匣中雄劔秘  
龍吟悲歌獨倚危樓上遙向神州慨陸沉

飲馬長城窟行

躍馬曾超萬里城卸鞍久駐伏波營飢隨白草終朝  
秣渴飲黃河向夕鳴朔雪頻添雙耳峻胡風長入四  
蹄輕催鞭斬得樓蘭首玉帳將軍問姓名

觀劔巖

異像竒形天琢成尖如劔樣並崢嶸公孫搦刃臨風  
舞石氏磨刀照水明赤壁名區何足羨涪崖勝槩莫  
能爭茲遊清絕平生最耽玩還思復北征

與金子公登彈琴臺

蕭瑟悲臺入幾登千秋惟見白雲凝烟波浩蕩驚鴻

詩

安谷集

十一

夢月岳崔嵬若鳳騰羽客乘空琴絕響將軍敗績史  
無稱淒涼物色分留處長嘯臨風獨撫膺

與子公過瑞山呼韻呈主倅

孤城僻處沔陽南保障繭絲二者兼民俗如荼多悍  
獷風土似楚足魚鹽天邊缺月鉤影曲雲外羣峯劍  
樣尖吏退公庭鈴閣靜樽開北海使人淹

步蕪喜樓韻

三年治蹟得人和大起高樓絃且歌繡戶朝開雲透  
氣緗簾夜捲月舒波水連錦水從西去山控鷄山向  
北多聽說諸君吟勝槩效嘖還愧謝柳何

次柳瑞五韻

任他浮世忘偏醒共飲秋蘭玉露零幾見藤蘿雲裏  
碧忽看松栢雪中青多君弱歲耽佳句愧我衰年誦  
聖經宦達終來無老少不妨聯袂立 王庭

次禹汝憲韻

春盡山中問幾經愁看澗柳已抽青莫嫌蠹簡長披  
荼爭道虬光必照硯唾爾孫生窮地理笑他莊叟解  
天形逢時可展迨風足不羨駑駘躍魯坳

次洪元九韻送趙松谷

蘭臺幾費草綸吟金玉清標雲夢襟莫把琅函悲白

詩

安谷集

十二

髮定知天日照丹心縱饒鳩浦歸田與其奈鴻恩  
似海深退亦希文憂世志不須鷗鷺舊盟尋

每見兒戲憶青春

沉落他鄉閱幾時堪羞白髮亂如絲宜家樂有齊眉  
婦傳榮歡深置膝兒看汝萊衣今日舞知吾竹馬昔  
年騎人間老少斯須異觸目還添舊感悲

次洪元九韻贈李上舍善餘

栢友憐吾梁甫吟與君仍得洗塵襟孔融白首悲寬  
志禰氏青春慷慨心爽氣同憑南岳秀交情共指北  
溟深秋來定遂屠龍約丹鳳門前好更尋

用前韻贈安上舍興之

末路誰知白雪吟逢君幸得討冰襟三年北學同遊  
客半世南金共斷心言志何嫌詩句拙傾情不讓酒  
盃深他時倘作朱衣使肯許歡城野老尋

泮宮守歲述懷

秦京旅泊病相如驚却光陰逼歲餘爆竹方知驅鬼  
夕頌椒仍覺建寅初眼穿湖嶺腸堪斷身逐儒班迹  
太踈萬事蹉跎違宿計便思長往任樵漁

健元陵神道碑

聖祖初葺第一岡龜頭屹立石羊傍妙書鬱律崇水

體硬語清雄漢馬香頌德應知追五帝銘功端合駕  
三王吾東良史波濤筆輝映 因山萬萬霜

自悼

鷗飛思效大鵬舉短翮飄飄幾見摧如玉容非孺子  
羨懸河辯之祝鮀才性存孤直人爭詆志尚淳真世  
亦嗷白首蹉跎 寢即迹深慚到處把殘盃

中原父老望旌旗

香孩天地變於夷被髮遺氓憶漢儀羣情尚慕陳橋  
日萬目爭穿岳字旗誰使英雄停北伐空教墓樹盡  
南枝龍旂若復今周業庶慰中州父老悲

周宣中興望我皇

戎衣何日掃腥膻實藉吾皇聖武全一旅成功追夏  
后六師攘狄慕周宣天時政屬重恢運國步今逢再  
造年佇見山東三捷報令人解撰采薇篇

送北使韻

我為傷時雪滿頭先憂幾控仲淹憂飛龍帝業知何  
去過鳥英雄不以留尚保青邱誰所造緬思 黃屋  
問無由君今持節辭丹鳳遠愧延陵使者流

天山大獵

將軍渡漠遠于田獵火揚輝瀚海邊飛羽應弦星落

詩

安谷集

十四

地毛羣罹鎬血成川觀兵意在尊中國却狄心存射  
左賢踏盡陰山三丈雪膚公歸奏九重天

寓懷咏百鍊鏡

霜鏡南來獻法宮天中佳節鑄江中清容實藉神明  
力至寶元因造化功雲起雙龍成白雨祥凝一色照  
舟衷但知聖主人為鑑莫貴揚州百鍊銅

次黃季通韻送蔡義瑞歸嶺南

洛陽城裏見秋風握手親朋會津東有志功名何日  
遂潛心經傳數年同羈愁催却人頭白別意偏生木  
葉紅嶺外梅花如可折一枝先寄北來鴻

次尹桔韻以慰其懷

休言書劔兩無成我識奇才必大鳴待主驛驅羈逸  
足俟秋蟋蟀蘊清聲暮年千里騷人怨旅館孤燈遠  
客情末路知音從古少莫嫌世亦棄君平

九日登高

相携僚友陟高岑九日秋光著處深雨濕黃花遮石  
逕霜添紅樹間松林憑欄覓句蘊仙興登岳啣杯杜  
子吟落帽西風宜盡醉牛山何必謾沾襟

次柳益甫忘憂亭韻

身世都憑五友亭卧看松栢雪中青妍妍水態經丹

詩

安谷集

十五

壑立立山容作翠屏雅趣長存魚躍沼良心不剪草  
盈庭渾忘愁緒歌三樂摠爲平生大夢醒

次贈江陵太守之官

天寵偏紆仙吏除文園歸卧馬相如聲依玉軫民歌  
穗影入銅章翟近輿氣爽金剛宜笏柱臺高鏡浦好  
樓居臘梅東閣知應著攀折寒枝倘寄余

大妃殿春帖

斗柄初回東海東乾坤淑氣動昭融宮高長樂多懽  
意苑近宜春扇惠風盛業彌昌閨範顯徽音遠播頌  
聲同羣工拜獻南山壽嘉慶旁流四境中

大殿春帖

昨夜東風入玉除春盤細菜薦君初仙冀可辨三旬  
過瑞霧還隨六氣舒政講都俞追古訓仁深賑貸法  
前書慇懃天意知何在祗篤生成不及餘

歲時中殿迎祥詩

屠蘓晨酌頌椒時獻賀長秋設盛儀氣淑蘭宮春屬  
孟祥凝桂殿福攸基清香半謝寒梅萼嫩色初均御  
柳枝麟趾關雎呈瑞日詞入解撰國風詩

除夕次金雪樵韻

獨守園陵禁牧樵官閑事簡一何寥傷心旅館年

詩

安谷集

十六

將盡引領鄉關道苦遙養拙長吟工部句安貧不學  
子方驕却嫌未遂平生志衰謝空添白髮凋

林下何曾見一人

衣草生涯可養真笑他名利誤其身青袍樂躡朱門  
履白首堪趨紫陌塵宦海爭沉干祿子林泉不見謝  
簪人碧山蘿月終無管蕙帳長虛寂寞濱

偶題感意示柳益甫

黃昏散步意悽然政是三春已暮天素積梨花粧後  
苑青歸柳葉蓋前川西疇地圻愁田父南澗林深哭  
社鷓旅泊山齋何所事自憐燈下閱陳篇

述懷自遣

飽嘗世味齒生酸幾涉要津行路難富貴應知同草  
露功名亦悟夢槐安不干榮祿人間獨思謝華簪海  
內單笑殺紅塵貪利子白頭乾沒戀高官

饋魚柳益甫益甫以詩謝之因次其韻

憐君懷寶食清貧雲雨何時躍神鱗幸忝微官隣草  
屋聊將薄物餽騷人割鮮誰道甘如蜜設膾殊稱味  
勝蓴持贈雙魚吾有意義存濡沫示情親

次益甫題尹氏亭韻

高樓誰起壓清流留與他人作勝遊俯瞰波連南浦

詩

安谷集

十七

濶回首雲擁北山浮  
思橫月笛憑孤棹欲拂烟簑釣  
某邱白首江湖漫浪迹自憐浮世一沙鷗

五明扇

帝命工倂輕篋成便知灑氣掌中生  
北宸恭已招羣俊南面垂衣揚五明  
民愠解時宣惠澤薰風引慶播  
仁聲能開天下無窮視盛德巍巍不可名

除夕咏懷

暮年旅泊一書生獨伴殘燈到五更  
送舊光陰如鳥過迎新節序在鷄鳴  
先嘗硬餅還妨齒後飲屠蘇亦  
感情元日渾無火時樂只憐雙鬢白添莖

春日會飲

松憲徙倚望晴天春氣氤氳滿眼前  
紅綻桃花宜帶雨青歸柳葉政含烟  
三盃添却劉伶興一斗思成李白篇  
醉後欣題同醉錄他時識得飲中仙

喜雨吟贈益甫

黃梅時雨夜來晴喜見前川水忽生  
却輦遙知明主意名亭亦想長公情  
牧兒橫笛登南陌曰父持鉏集  
上坪憂國常思年大有逢君此日賀西成

又贈苦雨吟

淫霖如注黝雲低小澗成河沒野堤  
波漲揚州七澤



北濤眷楮島二陵西  
灰寒萬竈蛙為窟  
葉濕千林鳥失棲  
大旱仍添洪水害  
發棠誰復救青齊

水

玄冬凝合太堅完  
斧鑿曾於野水干  
畏日凌人開玉井  
薰風高閣積金盤  
頌恩剩作千家用  
辟暑能成五月寒  
瓊屑含來痊道暍  
也知爽氣透心肝

述懷呈泥翁

光像曾接洛城中  
豈料今朝會話同  
冷迹猶藏窮巷北  
高軒初駐小溪東  
欲憑文義開迷惑  
敢把詩篇較拙工  
數歎郊扉吾有意  
弊裘還不憚寒風

次夢烏亭韻

巖畔高樓聳萬層  
危欄幾閱客裘憑  
風生竹塢宜清案  
月照梅窓可替燈  
販舶波中浮似葉  
羣峯雲外小似陵  
休官閑咏江山勝  
莫以能詩問不能

廷試日夢題戰勝朝廷覺後即述

土階庭畔茁丹莖  
飛箭無傳素海青  
長策良臣盈廣廈  
奇謀弼士列明廷  
聖謨已闡三王道  
睿筭端宜百辟刑  
千里決勝一堂上  
固知其濟是君靈

幽居帝畫看

象外風烟動玉除  
霜縑顏得逸民居  
寒松孤竹粧幽

詩

安谷集

十九

選流水高山護弊廬三畝小園千里徙九重清賞萬  
幾餘但嫌一幅看何益模寫宜求胥靡初

徙倚湖山時欲暮

干戈天地最多艱乍倚危樓意未閑子美悲深看北  
斗仲宣愁結滯西關烟隨落日迷吳水雨逐長風過  
蜀山回首神州何處是令人催却鬢毛斑

騎省見二毛

東華十載曳青袍掾吏羈蹤滯馬曹客意驚秋搔鬢  
髮旅窓携鏡見霜毛虞翻慘日悲蕭瑟宋玉傷心詠  
楚騷綺語千年懸日月至今爭頌一時毫

南昌赴宴

彩服行裝指蜀中忽聞南國二難同聊憑神術凌長  
浦末至華筵坐小童秋水句成驚勝友西山章罷振  
高風詞源浩蕩終無敵江漢千年一派東

江心鏡

歐冶神機妙且深江中五月鑄南金能成至寶承天  
寵長使清光照衆心雲起雙龍呈異驗時逢三早作  
甘霖却嫌玩物仍階亂遠愧薰風解愠琴

喜雨亭

小閣初成枕鶴汀正當甘雨趁時零田翁樂把通溝

詩

安谷集

二十

鍾病叟欣聽落地鈴潤物休徵蘇死草從天惠澤酌  
生靈聊將海內無窮喜肇錫嘉名記此亭

月課賦扇

誰斫湘江班竹林裁成輕筆豁煩襟身緣道暍勞千  
慮手引清風直萬金王子途中空蔽面班姬篋裏幾  
傷心翻思閣下揮繩意只怕當時長五陰

翫月天柱峯

陰雨淒淒烟霧濃良辰不得見天容  
翫朋欲賞三秋月佩酒仍登萬仞峯  
騰身共對蟾光射舉目相看兔藥  
眷回首山腰冥晦處玄雲變化尚從龍

輓朴靈光自凝

挹白堂

世家王謝晉風流夙歲芳名聞  
玉樓長孺淮陽三處化梁鴻  
海曲十年愁千金樂保歸田日  
一病悲深就木秋幸侍先公同  
入地茂城東麓錦江頭

輓權士瞻

末路真朋我與君芳蘭碧蕙幾  
相薰清雄儷語追滕閣雅麗瓊  
章學汝墳共謂長年膠漆合豈  
知今日顯幽分吾儕曾述生離  
思獨泣還成死別文

挽柒田李友

八十年來養閒趣華山山下掩  
柴扉壁聯二子人多

詩

安谷集

二十一

譽蘭茁諸孫世亦稀爭賀北堂萊服舞忽沉南極老  
星輝麗床獨拜今何得只把哀辭送永歸

挽利川夫人柳氏

花蟠紫誥耀門楣九十年來福履綏幹盡元方稱孝  
子傳家文若亦佳兒應知百歲慈烏哺忽報三秋吊  
鶴悲半世升堂情義重不堪今日寫哀詞

挽李進士馨彥

交遊魯泮八年強同室芝蘭幾襲香並習經書探理  
奧共論詩史較才長一聲雷雨龍思躍半夜雲霄鳳  
忽藏忍見丹旌歸故土不堪臨吊涕沾裳

挽姻兄曹僉知

謙

昌城大姓蟬聯裔稱善牙州八十秋莊叟陶盆三叩  
恨謝家寶樹二難儔 思承鳳詔橫金帶奕得牛眠  
聳土邱老病衰吟違執紼只揮酸淚海西頭

挽全浩然

即孟

髫年受業先君子子亦從吾問聖經愛我如兄恒盡  
意視渠猶弟益傾情嘗嗟和氏逢三別豈料元賓隔  
九京少婦孤兒攀號處最憐鶴髮涕交橫

挽權執政

多君才調出尋常一戰能占月桂香理講經書侍

詩

安谷集

二十一

春殿官稱諫議肅秋霜行看萬里鵬搏遠豈料三清  
鳳忽箴文獻遺風何處托麟兒揔是克家郎

挽李然奉

不露文章只養閑寓心恭博得清歡承顏三子庭聯  
璧置膝諸孫谷茁蘭白首田園全福祿青雲榮顯夢  
邯鄲八旬厭寄歸何地解鳳松楸曉月寒

挽金子精

三韓大姓勲臣裔律已廉清五十年孟博功曹何事  
業汝南民物摠陶甄爭知積善家多慶誰料嬰身病  
未痊老淚偏垂題輓日生平最愛若人賢

輓徐生

孝友良心出自天徐家寶樹最稱賢嚴君鈴閣絃歌  
日王母高堂喜懼年爭道申休將在後誰知子逝反  
居先青氈賴有麟兒托餘慶占來慰九泉

挽斗井李文

炎南嶽

遊泮英聲擅妙齡大冬松柏雪中青早辭城市仍耕  
野高卧林園獨閉扃半級功名等槐蟻百年家業付  
螟蛉八旬厭寄歸何處卜兆牛眠永安靈

挽珍山守宋有佺

妙齡南紀擅雄詞早折紅蓮折桂遲二子登龍爭賀

詩

安谷集

二十三

日一朝乘鶴永歸時清塘留犢民皆頌珍色割鷄化  
未施脩夜千秋無限恨萱堂莫慰倚閭悲

挽玄同知

齒德俱尊福履綏親看餘慶耀門楣棣華五子聯圭  
璧蘭茁諸孫并本支百歲黃金橫帶日一朝丹旆永  
歸時床前問候今何得和淚難堪寫輓詞

自輓

戰藝荆園六十年屠龍恨未試秋蓮浮沈世路曾無  
失持守天真庶免愆太學薤塩知幾啜齋卽衰病竟  
難痊故山斜日飄丹旆委吏虛名歿後傳

關山月

排律

紫塞烟沉宿鳥還朔雲高處月如彎金蛇流影寒  
氣玉兔揚輝照玉關白雪蒼茫迷瀚海玄風蕭瑟動  
陰山殘兵悉入雙眸眩老將悲深兩鬢斑一曲胡歌  
戎幕裏數聲羌笛戍樓間邊城此夜無窮恨恣爲瞻  
光對苦顏

隴頭水

隴山山水聲幽鳴咽長涵萬古愁不是靈泉從地  
出亦非懸瀑自天流隨風能激波濤壯觸物恣成哀  
怨稠分手親朋啼別浦傷心婺婦泣孤舟遊入惹起

詩

安谷集

二十四

思鄉恨逐客還添去國憂最感斜陽斷腸響偏令志士雪盈頭

麥秋 古詩

大麥獨專四時氣百穀之中種最優四月南風色始黃夏日轉為成熟秋北村南村雨初晴黃童白叟爭相收揮鎌已破萬頃浪遂畝不遺千穗稠漁陽可歌太守政岐西喜見王化流聚首相賀麥有秋亦知西成穀如邱前郊後郊及時刈正似三秋穫西疇登場足供南畝饁從此農人庶無憂

安谷公遺事

安谷在天安郡高佐洞蓋取所居為號而亦寓安宅之義

平生安谷是知音早世襟期托素琴相擬超冥鷗羽化却嘆同病鬢霜侵 李子全詩

投閑置散一衰翁瀝血排雲有古風越俎冒進人莫笑足知芹曝出深衷 柳益甫詩

早參蓮榜高名振晚獻疏章 聖主知爭歎孤忠明大義豈知微宦竟棲遲 李登輓

李君吾執友詞翰埒雲淵素志乖攀桂浮榮得採蓮兩兒哀叩地孀婦哭呼天人服尊 周義為官豈苟焉 金得臣挽

抗疏 九重天聲名干斗牛詞章乃餘事太義為尊

周籍甚播紳間赫然真寡儔

李百完輓

純宗朝六年丁卯本郡進士蔡弘臣等暇享公於鄉

社曰安谷李先生蓋遵芝村李尚書喜朝之議也

三川李公采題額曰龍溪書社今移設脩省里

性潭宋先生煥箕製祝文曰義秉尊 周首陳一疏

皇廟之建寔此權輿永世興慕敬陳牲醑

洪相國奕周作贊文曰陽秋一部日星吾東孰其闡

之大老之功大老特書曰有李生暨三學士併樹厥

聲瞻彼北苑載屹 雲壇公與有榮赫赫琅玕

家狀

從高祖承訓郎行廣興倉副奉事安谷公狀草

公諱重明字子文貫牙山其先慶州人高麗成穆朝

有諱周佐尚書著勲勞封于牙牙之李蓋自尚書公

始歷幾世諱舒三重大匡牙州伯後孫諱邕門下侍

中 本朝 贈左議政退居于牙號鈞隱寔公十代

祖也子諱天桂監察子諱原生司憲府掌令 贈大

司憲即胡戾公諱念義之從父也是生諱宗誠縣監

是生諱碩文即牙城君諱碩蕃之從弟也是生諱陔

文科府使於公為五代祖高祖諱壽鵬繕工僉正曾

狀

安谷集



祖諱仁佐進士 獻陵叅奉祖諱俊早世考諱嗣金  
軍資監正妣坡平尹氏生負侏之女繼妣尚州金鴻  
之女生三男長即我高祖考諱善明次我本生高祖  
諱景明公其第三也公以 萬曆十三年乙巳八月  
九日生于天安郡高佐之里以文學鳴于世號安谷  
辛卯中司馬及 皇明屋社冠屨倒置慨然秉春秋  
為義理語到 皇明未嘗不涕平居感懷至發於夢  
中有詩曰弱草曾沾 周雨露誓心終作守芳魂  
顯廟丁未 大明人陳得等漂海至耽羅言 永曆  
皇帝方保有一隅克紹 崇禎之統時議竟押赴燕

中公不勝悲惋是歲五月天旱自上求言公時在  
泮齋以崇報 皇朝之意上疏請建 皇廟其略曰  
蒼梧駕遠赤縣土崩 園陵灰燼香火淒涼嗟我  
神宗如在之靈尚何所依歸也陟降之靈無往不在  
而曾樹大功大德於吾東則 靈其眷戀于東也審  
矣伏願 殿下思吾東再造之鴻恩推 先王服事  
之至誠擇淨界而建 廟俾禴祠而長存則不惟舉  
國之人皆有所悅服 宣祖大王在天之靈必悅文  
孫之繼志云云 上下其事其時異論之人托言天  
子之尊不可祀於偏邦又其祭儀不亦難乎云雖寢

不行 上嘉其志有調用之 命宋文正先生大加  
崇獎曰此世此言出於此人不可無嘉尚之典又曰  
朝議不一故卒不行然 上意則以為是故即官其  
人愚嘗謂此議早晚有成寒水齋權先生曰昔年進  
士李重明請建 皇廟先生深嘉李生之抗章有見  
於文字中矣又答朴士元書曰華陽之事非吾義起  
先師於三學士傳末曰進士李重明上疏乞立 神  
宗廟以時議之不可行心常慨然至於在島時告訣  
別歲以 萬曆崇禎兩皇帝廟事有所屬托矣其後  
大報壇萬東廟成蓋公之疏實權輿也疏上之歲

拜 顯陵叅奉庚戌疏陳各司胥吏弊 上批以嘉  
尚又進列邑時弊八条辛亥遷廣興倉奉事粵明年  
壬子五月二十一日考終于寢以某月日葬于木川  
馬望山壬坐原公幼而好學聰慧絕倫受業於益谷  
李公承壁之門讀書之時同學諸童強令掩卷則輒  
於深僻處上樹潛讀至暮忘歸髫齡文詞大進以引  
表魁東堂鄉試主試以其童蒙降置第二自是之後  
為當世文章家所推許金栢谷得臣尤為莫逆每讀  
書有所疑義必就質於公距公居一舍而來則未遑  
及門徑坐一小巖疾呼公不問寒暄先問某經某義

何居公援引出處剖析微奧爽若披雲覩天金公聞  
即哭之曰吾非子文于何質疑云後人指其巖曰鳴  
巖又博洽古典篤於五禮儀士林亦多聚訟於門有  
遺集藏于家而禮論則轉借見逸只有詩若干首疏  
策若干篇分為二冊性潭宋先生為之弁卷俾付刊  
劖公稟性淳直器度寬弘窮居蓬蓽憂切民國每當  
曠濕之災終夜不寐蹶然起坐思所以消弭之方屢  
陳封章時人重其有經國之才白首窮經不廢舉業  
賦表論策無體不該詩書百家無文不誦尤於象辭  
有通理之工泮 製 殿講屢蒙 天褒竟未大聞

文章憎命達寔公之謂也 正廟丁巳 命刊尊  
周錄而公之名有與榮焉 純宗丙寅進士蔡弘臣  
等有鄉先生祭於社之舉蓋依芝村李尚書之議而  
公與俞公彥謙李公承璧玄公德升徐公挺然徐公  
漢柱并享於龍溪書社後十年乙亥移享于修省里  
今六賢祠是也配金堤趙氏僉樞涵之女生一男一  
女男曰長新女適密陽朴榆根繼配春川朴駿之女  
亦生一男一女男曰長植女適坡平尹之衍長新娶  
判官金海金俊民之女生二男二女男長潤實次潤  
五女長適昌原俞舜元次適光山金聲肅長植娶密

陽朴時赫之女生一男曰潤龍再娶完山李春馨之  
女生一男一女男曰潤元女適完山李壽麟潤實娶  
星州李徹之女無育潤五娶固城南道昌之女生二  
男曰齊相齊機而齊相出爲伯父后潤龍潤元各有  
男女幾人公之歿今爲二百餘年之久而旣無狀德  
之文故謹錄如右以俟立言之君子云爾  
崇禎紀元後四戊辰仲春從玄孫進士心永謹識

安谷集家箴記

驪珠藏於淵而爲希世之珍璞玉採於山而爲連城  
之貨夫珠之在淵也玉之在山也韜其光而晦其彩  
世莫能知爲寶而及其一出於世爲天下之至寶者  
造物之所慳秘而終不使泯滅必銜其光價於世也  
在吾家亦有安谷公遺集始雖晦而終必顯其亦珠  
之於淵玉之於山也歟公以文詞名於世平日之所  
嘗吟嘖於起興寓懷之際者多至累千餘言而初以  
漫興手書付錄於尋常空紙上以傳于家而本孫貧  
殘不能襲而敬之以爲珍箴閣置於破壁漏架之上

殆近數百年之久歷四世有從孫心永者始乃奉閱  
則爛簡殘紙埋沒於塵埃堆積之中而粉蠹之所蝕  
漏漉之所侵腐傷毀缺殆無字形者過半或有字畫  
僅存一邊微痕者則以本文辭意推究得其真而積  
費工力傳書移本者凡四編夫然後公之唾而成珠  
者不至湮滅幸而完保始出於世繼而有入梓壽世  
之計躬拜於大匠之門得請弁文以來而季子泰魯  
亦從事於文字者也使之刪煩撮要務從精簡并疏  
本諸文及五七言編成上下將營刊行而連值歉荒  
以力綿未克有終豈勝痛歎哉噫公之此書既有大

義理文字則有關於世道者大矣始也韜晦幾乎無  
傳者亦造物慳秘之意而終得吾父子收拾於殘劫  
累閱之餘遂為後世之寶藏者亦豈偶然哉公昔在  
顯廟朝挺身抗章請建 皇廟春秋者我東之大  
義理也 皇廟崇奉之論獨出於公 聖朝之嘉賞  
大老之褒稱與三學士下上則其所樹立可以亘古  
今不泯矣今其身後遺蹟幸有此編編中之片言集  
字皆可為後人之珍玩則亦當與樹立之義並義而  
永久不渝者也矧乎公之文章為當世所宗金栢谷  
趙松谷諸賢皆推以韓文公獨步則文是貫道之器

也亦足爲來學觀感之資矣世皆偉公以義理而文章自歸於餘事夫豈知此文字之爲寶於吾東也後之人以日星之義對月露之章兩椅觀義然後方可謂知公者矣今以一本歲之鄉社賤享之所以缺他日付劖劖氏云

上之在宥十五年甲戌秋七月既望從玄孫心永叙

安谷集跋

星環必拱極水流必趨溟此恒物之大情也然而念彼京周社已屋而禴已替矣魯連之海未渴虞帝之祠為諱而公以此世之一上舍當顯廟求言之日倡神皇報祀之義是義之缺百不惑可徵於尤遂兩先生文字間而後肅廟涸灘歲萬東廟成借乎公未及見也肆我先師嘗為之弁是卷而時余將命深仰公接詩陳疏信得及春秋二三策之旨矣今於諸君子劖劖之後僉曰宜一言之識噫五彩之備一羽可見雪泥鴻爪非少多於公者而星拱水趨

理不可誣矣虞之廟楚之屋情亦憾矣嗚呼此豈可與不知者道哉

崇禎後四丙申乾之九三

蓮城金萬鍾謹跋

安谷集跋

允庵宋子嘗曰義理明則家國賴以扶持義理晦則世道隨以喪亡噫義莫大於春秋而尊周為大尊周之義報祀尤大公當 皇明屋社之後乃於 顯廟求言之日追念 神皇罔極之恩以靡神不宗之義發立廟升香之議而允翁以此世此言稱之三學士傳末又申其說而寒水先生亦有所受矣華陽 兩皇之廟未必非權輿於是也况其幽蘭守芳魂之句墓樹盡南枝之作雖尋常夢寐吟藝之間其平生慷慨之義槩可見矣俎豆之享寔遵芝村李公之論而

肆我性潭先生為之弁其遺稿鄉社諸賢詢謀刊布  
請余一言以識之誦慕之極不揆荒拙以托名為榮  
而且惟公從玄孫上舍公竭誠是集期於卒業之至  
意尤有所不敢辭者云爾

崇禎紀元後四丙申三日

烏川鄭在俊謹跋

安谷李公 皇廟倡建疏跋

剝而未盡之陽復而未生之陽先儒嘗言之矣夫剝  
復之際疑於無陽故程傳曰變於上則生於下無間  
可容息也饒雙峯以未盡未生之說發明之陽之在  
天地間其不可泯有如是夫千秋在前百世在後推  
諸天道驗以人事安谷李公丁未之疏其惟剝未盡  
復未生之陽乎於乎 大報之壇萬東之 廟即吾  
東陽復之機而公之此疏能權輿於剝九之後故尤  
庵先生特叙之於三學士傳而至曰此議早晚有成  
然則玉璧於 禁苑芬苾於 華陽一嘅無隣洋洋



陔降之際公之靈寔與有榮焉余讀公疏至日暮  
炎海波沒 龍舟而 園陵灰燼香火淒涼若我  
神宗如在之靈尚何所依歸也不覺失聲拍案不翅  
如祖士雅之擊楫激仰而顧今垂二百年胡命能以  
使江邊之老翁眼不見腥塵之清豈剝上之陽剝而  
已盡來復之陽生而未達而然耶昔董三老新城之  
遮說未有辭於天下後世而終漢之世無酬報之舉  
所謂優於蕭張者徒出於尚論之空言雖不足輕重  
於董公其為千載之闕典誠大矣世或有以是說而  
能復于當今之執政者耶 新安進士孟鳳淳謹跋

安谷先生集新刊小識

嗚呼此吾安谷先生遺稿而吾先子實寶箴之先生  
於先子為從高祖也夫昭代之尚惟義理與文章而  
義理扶世道文章振風教皆可為百世師而並其義  
者蓋罕焉吾家自鈞隱公有盞上之節義與圃牧治  
三隱併稱於 國初而十世至先生博學未試以文  
自鳴晚年巾衍之蓄不翅數千百言而斷爛殆甚至  
不可攷吾先子掇拾於二百餘年之後分為四編於  
是焉保有安谷集而中間眇綿幾乎烟沉可勝痛哉  
然而碩果之理有不可誣 皇廟之建權輿於先生

之一疏而爲天下後世之所可寶則終不欲泯焉無傳而必使之闡明者其非造物之理耶蓋其不激昂慷慨炳炳堂堂日月以之昭春秋以之大以之有山河壯本朝之勢而天地間一種至正之氣自發於西漢之謳吟東周之風泉於此乎神皇帝陟降之靈愀然如見於弓劍之後斯可謂義理文章之兼有者也且其尋常著作一出於性情之正初無塵俗之累而救時之策記事之文咏懷之章辭順理達自成大方之體不規規於一字一韻之奇而義蹈東海仲連是已文起八代昌黎似之祛綺麗之委靡回粟帛

之淳真則是集之有補於風化者又何如耶先人嘗以所謄本謁于性潭先生先生亟取而覽之曰孰不欲使此集不朽而家傳戶誦也仍弁其卷蓋以先生當日之疏爲尤翁所嘉尚故也於乎剗剗之役自是先人苦心積營者而家力不逮終未有就在今繼述之責實非與擬於不肖之秦魯而秦魯年已六旬有一矣風樹之感采切棗榆之景且迫而先人之志事恐無克卒之日乃與族從輩粗效毫絲之力買得紙田入梓於宗孫之秉之家而撮其大要分類立例爲上下編二冊閱數箇月刊事旣成遂遍告于衆曰無

德不報無功不酬維北有壇嗟我青邱雖小亦華  
皇靈淹留烈烈吾祖一疏千秋允為萬厯遺民  
庶幾覽此而興感也歟

有明崇禎十七年甲申後二百有一年

今上嗣服乙未歲除日甲申從五世孫泰魯謹識

安谷集卷之二 下終

